



養浩堂詩集
人

早稲田大学図書館
文書 27
E 105
3



養浩堂詩集卷三

羽前 米澤 宮島誠一郎 栗香 著

乙酉二月三日同黃吟梅飲偕樂園

園名偕樂絕塵囂綠酒紅燈興更饒梅氣浮々來入座正知春立是今朝

湖月樓贈姚子梁子梁假歸將有揚州之行戲賦

鴻爪雪泥東海留飄然一去向揚州問君二十四橋夜憶到新橋烟月不

祝永井介堂翁古稀壽和其韻

似可刪

刪

子鶴妻梅相伴眠天公賜汝好林泉前身可是逋仙
叟呼吸湖山七十年

二

仙源寄跡避塵譁世上榮枯何足嗟悔被漁人問津
者門前流水有桃花

初夏山村

節過櫻花未脫裘蕭々風雨冷於秋桑芽纔放麥苗
短奈此山村稼穡憂

六月七日携可二祝三兩兒遊王子村二首

提携二童子來遊王子邨地僻可人意到處無塵喧

似可刪

刪

一鳩午呼雨花過綠陰繁出林飄青旆溪樓魚可食
流水繞門碧恍是武陵源洗杯買微醉足以慰吟魂
二子解韻事吾道此中存

二

似可刪
今歲何陰冷天氣日昏昏時屬清和候積雨未絕痕
廟堂憂稼穡法令蠲苛煩農官日奔命百姓無怨言
所希天候定庶物悉孳蕃蠶絲每戶熟麥浪連雲翻
然後收夏稅誰不感皇恩所以王者政養民固其原

茲年十一月二十二日當舊曆十月之望偶憶
蘓東坡後赤壁事遂遊墨江此夕月色大好不

減七百年前也賦以遣興

後赤壁夕墨江東將追前人之遊蹤霜露既下木葉
脫仰見明月思坡公烟消江白望無際月光如水磨
青銅憂然悲鳴是何物適有孤鶴來橫空愧無坡公
似椽筆當杯我亦氣吐虹高樓千尺臨斷岸長嘯若
俯馮夷宮我知公是人中傑詎唯百代文章宗熙寧
天下盛朋黨發策乃受盈廷攻危言謹論志不撓豈
顧禍害罹其躬竄謫黃州氣益風潮偉遂使文字光熊
噫我中年多感慨讀公兩賦懷無窮墨江赤壁地雖
異此夕此遊將毋同由來得喪命有定人爵孰與天

爵隆玉堂富貴念久已月光猶勝金蓮紅墨江之魚
可供饌墨江之酒足澆胸憾生不同東坡世我騎鶴
兮將安從

丙戌新春同吉井伯三峰墨水泛舟記興

迎年十日意悠然墨水浮來詩畫船柳未放青梅未
發一江春色罩春煙

二月念八訪向島梅莊賦贈主人

雪後園林春色催芒鞋踏遍墨江隈此身可是風流
未一月探梅三度來

二

似句剛

二首不家氣體剛

剛

一朵斜從竹外開
東風特地帶香來
主人莫笑頻探
討半為尋詩半為梅

贈薩摩人野津翁應其需

一見交情覺共深
未言懷抱已知心
常當棋局觀成
敗又展圖書閱古今
江左優遊賞花月
薩南歸去慕
山林齡垂七十人
強健頭上曾無霜雪侵

七月十一日同吉井三峰泛舟墨江納涼

江城七月火雲蒸
炎暑困人苦難勝
與君來泛墨江
棹悠然萬頃波
可凌扁舟忽與塵
紛遠臨風吟嘯髮
鬢鬢長流如此堪
濯足不問滄浪濁
與清世人擾々

句多粗字漸近落氣
似可剛

似可剛

營何事見利相逐
齊蒼蠅豈知吾徒
脫俗累玉壺澄
徹心如冰美人
佑酒彈絃索高士
醉眠枕曲肱歸棹
乘潮急于箭滿江
明月不須燈

岩倉公招飲鮫洲酒樓戊辰夏余寓此仍賦

欄脚濤鳴涼似秋
一樽重此醉鮫洲
風清月白依稀
是二十年前舊酒樓

十月念三遊鹽原宿松屋賦示伊知地恒庵

黃昏烟火認茅檐
投宿山家寒更添
殘夜酒醒驚起
坐泉聲如雨月如鎌

十二月念一夜夢故伊地知一柳伯示余以詩

似可刪
覺而後記蓋奇事也
魂在白雲魄碧山此生安穩往猶還世途艱險難行
步久厭身居紈袴間

丁亥三月六日杉田看梅遂飲金波樓

看遍杉田又富岡梅花遠近白斜陽黃昏好倚高樓
醉月照金波海亦香

○四月念八遊池上光明樓此日春盡

忽聞春盡遠來攀半日浮生得此閑新綠殘紅看更
好鶯聲啼老雨中山

副島先生招飲清人陳孫陶諸文士來會堂上

剛
有忠勤亮特額李鴻章伯書

忠勤亮特李公書水木清華副島居相會一堂為輯
睦兩邦文士樂何如

八月十二日挈妻兒避暑伊香保途中記所見

以下十首
係香山作

剛
我家去年人皆病今年我家人皆痊官例避暑賜清
暇豈可不遊八月天十二日晨催治裝挈妻提子同
欣然出門直向上野去人家昧旦遲起眠汽笛鳴方
人蟻集車輪奔駛生煤煙紅日一竿炫朝露風拂秧
青井々田宿霧漸散遠山現赤城鬢髮爭呈妍鴻巢

熊谷一瞬過本莊忽到高崎邊鐵路盡時達厩橋臨
線樓上午餐傳香山從此僱人力幌車幾輛追後先
鐵車疾如離弦箭人車遲似逆潮船炎塵撲面紅于
火纔存一息渴欲顛晚投香山氣清爽上方下界分
凡仙笑顧妻孥皆無恙顏色與山相對鮮

寄妹阿順子

去年妹保科氏携二子孝一貞二自米澤來
視母病行程七十五里二晝夜而達東京時
八月十二日今歲余以是日適遊伊香保仍
賦此篇以寄阿妹云

再考
不於剛

阿妹至孝出天性遠聞母病中心驚投梭下機起上
道提携二子孝與貞山河四百八十里并夜與晝二
日程及來視母母在蓐相見無言淚交傾自來侍母
共寢食豈無天地感至誠母日復常喜勿藥容顏如
玉神氣平然後携兒歸故里營食織衣家計成阿妹
將母女丈夫噫我應愧為汝兄去年迎妹正今日今
年我向香山行長女在家代色養阿妹或寬思母情
○贈弟小森澤君玉

君玉向者奉職海軍省前後十有五年鞠躬
盡瘁自少屬累遷大書記官敘從五位繼轉

任參事院議官猶兼司海軍部法制賜勲四
等旭日章可謂功績偉矣乙酉冬政府革制
參事院廢君玉罷而候補余謂朝廷用人必
擇其才君玉年強志盛將不日復原職深望
乘此閑暇來遊香山與余同養身體以為異
日勤勞王事之用因賦此篇

阿弟向為海軍曹氣吞寰海何雄豪夙與五洲爭其
長欲造巨艦駕鯨濤十五年間如一日鞠躬奉職多
勤勞君今少我可五載頭髮斑々見二毛曾在內閣
參機事論法究理分秋毫 天子賞之以勲位煌々

旭章賜金褰時遇革政適休職人間泰否誰能逃只
須徐養凌霄翮際會風雲重翔翱我來伊香試遊賞
願將山綠染同袍此間安心真良藥待君遠來斟松
醪連林對話感今昔有時拔劍風怒號起倚層樓一
長嘯赤城矗立蒼天高

○○○八月十九日日蝕午後二時太陽自右虧至四
時既蝕暗黑如夜頃焉復古蓋百年一回有之
云因賦之為賦此篇

日中天無日驚呼人出庭暗黑同昏夜青空唯見星
咫尺失人面山川視無形咄々是何變驀地陰風腥

我登香峯頂凝望窺天廷瞬間光一射大陽如燿螢
五彩忽煥發雲色耀瓏玲已拂扶桑木又浴咸池汀
一日晝夜二天鷄側耳聽久學天文法觀測技未靈
日是君之象久照麗天明百年猶既蝕君子慎常經
所以古之聖改過畏天刑

○○○八月二十日哭弟小森澤政瑞殉難有序

是日舊曆七月朔日吾弟政瑞殉難之日也
余偶寓伊香保嘯雲樓茲修薄奠供野花新
酒以招魂而祭焉戊辰之役政瑞奉藩主上
杉侯命援東軍在奧州岩城平憤東軍不振

奮戰自朝至午擊退強敵遂中銃

而斃時年二十有九藩侯嘉嘆命賜祿五十

石以恤其後今已二十年矣恍如昨日政瑞

自幼讀書學劍十六出繼他姓及長善騎操

砲傷喜詩及國歌曾從藩侯于役江戶居櫻

田邸三年自戊午至庚申時方天下多事有

慶士要櫻田之變親目擊之能記時事筆成

萬言最妙尺牘暇則往學於鹽谷安井之門

講修經史性溫厚不與人爭頗有老成之風

所交益廣名聲日著其歸國也事義親艱難

持家藩侯擢為記錄所補員編纂米澤新史
文字 粲然可觀我兄弟中推為第一有一男名忠
勤學 古今來叔父君玉家勤學云

嘯雲樓頭雲霧昏向東遙招亡弟魂魄方欲來風颯
颯山木無邊帶雨翻舉杯拜跪薦薄奠天寒日暮啼
哀猿因憶戊辰當國難誓抽丹心報主恩兄弟四人
各奉命我捧上書叩天闕一弟若松一北越汝率
隊兵援東藩此戰初意清君側何知王師出錦藩白
石連衡是私盟東軍不振齊羊豚汝自勵兵殊死戰
奮鬪卻敵雷霆奔自朝至午餐無暇一身貫中砲丸

痕汝軀已斃城忽陷陰風慘愴巖平原我主聞報淚
為下賞功賜祿貽子孫回頭倏忽二十載當時成敗
向誰論偶遊香山遇茲日無端往事觸懷繁曾從藩
侯役江戶獻策時務多萬言櫻田奇變親目擊手裁
尺牘今尚存餘力就儒修經史師事宥陰與息軒名
聲赫著交日廣語言雍々如春溫况冒他姓養二老
辛艱持家晚結婚汝德當與古賢比汝風能使薄夫
敦四兄弟中推第一馬術劍法世所尊米澤新史著
成卷由來直筆無枉冤噫汝沒世未三十繼家有子
固基根同宗賢叔愛佳姪並慶忠孝聚一門芬秋花

芳湛野酒炷香長拜聲哭吞靈兮幸饗敬此祭聊摘
蕪詞代蘋蘩

○寄兒大八在清國保定府蓮池書院

八月三十一日獲兒大八書信自清國保定
府來函詳報近况因知黎莼齋君出貴州遵
義而抵保定欣喜無量先是大八以四月十
二日航海赴清國從遊蓮池書院掌教張廉
卿先生之門余為乞紹介先生令嗣導岷君
得入學也因賦二篇

噫我老大無所為汝已英年遠求師渡海西入幽燕

地負笈學道要及時張氏廉卿今偉人蓮池掌教育
英竒令嗣導岷忘形友紹介托汝不相疑先生山斗
人瞻仰文宗周漢修古辭已許門前栽桃李憶汝昂
然揚秀眉如今東海水橫流手撐狂瀾果屬誰學問
由來貴倫理汝日勉勗志勿移賴汝顯揚非所願願
汝他年特達知巨鐘待叩叩即鳴囑汝勿恨就師遲

○○○二

自汝之去日遠思魚雁杳々來何遲自與汝別六經
月忽接尺書我心夷報道黎君來秦蜀張公相邀肝
膽披汝與導岷同執謁談笑高堂對酒卮黎日子今

遠負笈子父舊好不我欺子能居業久有得他年顯
揚果可知張曰子父未識面人已忠孝見其詩况與
兒沆交莫逆我今視子均視兒情深義重感何極喜
自中來不自持卷舒百回如面晤讀之令我忘別離
莼齋經濟一時傑廉卿德行百世師汝生何幸事二
老諄々教誨皆箴規文章不朽經國業經史總是立
身基噫汝孜孜宜勉勗慎莫成山一箕虧

香山客舍寄贈春畝伊藤大臣夏島別業此夕

舊曆七月望明月在山秋氣襲人因賦二律

得意烟波雲水間相公居似野人閑虛軒臨海能容

衆直道經邦豈說艱裴度築堂思綠野謝安對局卧
東山蓬萊咫尺紅塵隔即是君家銷夏灣

〇〇二

豪氣銷磨舌尚存長裾無意曳朱門憑君偶幸陳微
力笑我曾頻進直言老驥常懷千里志饑鷹久持一
呼恩香山今夜秋風冷碧海遙招明月魂

余寓伊香殆將三旬宿痾略愈元氣漸復起而
有作

自入山來詩思催人間百事皆易灰山中無日不閑
適除眠與食唯酒杯一年三百六十日憂患病苦又

州
悲哀有何樂事保身生唯須九夏避炎埃儒術修來
無小補周孔之道安在哉素餐徒費太倉米原知我
無經國才天意何為賦愚拙自顧自笑還自猜五尺
形軀眇々耳志氣恃何欲宏恢青山相對不相語白
雲出岫去又來自今須賦招隱士山家酒熟桂花開
十二月十一日遊隣農舍

隣農舍北澗流分楓樹紅飛霜葉紛野色川光秋已
老斜陽影冷雁肩雲

○歲晚自嘲三絕

底事守官類拘囚我無肥馬與輕裘一杯自悟延年

術不伎不求心即休 退之詩守官類拘囚

○二

不伎不求心即休園甚雖太小可優遊青苔紅葉貪家

有身後功名潤骨不孔子曰死後榮名豈足潤枯骨

○三

身後功名潤骨不生前富貴等浮漚忘憂只有杯中
物唯酒何妨與婦謀

戊子春余患癰自三月卧至五月遂負三春不
知花事唯賞園中海棠而已賦以遣悶

三春卧病恨無涯伏枕蕭條不出家一樹深紅當戶

發慰人唯有海棠花

○重陽清國星使黎莼齋君修登高約於使署席上
上和星使韵

交隣有道兩心藏欲和最難金石章醴酒澆腸排磊
塊使星照座放光芒七年佳節歡三度此夕群賢醉
一堂何料大邦文字友重持龍印到扶桑

此會洵可稱盛唯恨森枳園藤野海南二老儒
已物故思之悵然賦呈星使

白酒黃花相映新七年三度醉佳辰如何今日登高
會遍插茱萸少二人

批句剛

送內務大臣兼陸軍中將山縣伯有朋君遊歐
州和某韻

地卿職掌靖黎蒸忠節欽君霄漢凌興利生財須竭
力修文講武夙兼能一鋒向處前無敵四海皆家遠
有朋此去歐洲騰驥足冰淵應戒戰兢兢

○已丑三月十六日雨晴風暖偶遊小向邨看梅
得詩十首

去年卧病不知春今歲探梅興更新前後春風遊四
度梅花應識舊詩人

○園中內裡梅最為絕品

批句剛

一樹高標內裡梅。鑿輿當日問花來。紅葩綠萼非凡品。猶帶

天顏喜色開。

主人野崎氏系出于鎌倉北條家折梅花乞字說是鎌倉霸者孫北條家譜到今存慇懃留我乞題壁好折梅花代墨痕

邂逅友人清水氏曰罹百厄賦之慰之

花間邂逅笑呼鶻情味濃於酒味香百折不撓君氣節匹如鐵幹耐風霜

此地十年前係成島柳北發見為留石像紀念

內閣記錄局近日刻後鑑彼家所編集

小向梅從柳北傳雅遊憐汝著先鞭江南名勝非無地獨擅壇場十五年

二

千秋史筆使人嗟後鑑編成最大家餘事風流呼柳北狂留遺像托梅花

玉川所見

雨餘殘照滿汀洲夾岸梅花映碧流春早香魚纔數寸玉江未放夜漁舟

矢口弔新田義興祠有碑服元喬撰延享三年

所建土人曰夏時雷墳上竹皆裂

矢口祠前弔古來殘碑有字蝕蒼苔墳頭摧裂千竿竹想見冤魂化疾雷

○池上本門寺葬僧日蓮處日蓮創始法華一宗濟度衆生豈等閑法華一派極辛艱千年蒼翠本門寺此是日蓮埋骨山

○大森歸路明月在天清氣襲人

小向折梅香滿衣大森沽酒醉斜暉輕車一路春天晚載月與花吟詠歸

○十月十六日承高崎正風君雅招同清國星使

刪

黎庶昌君遊下野國鹽原觀楓星使曰此鄉頗

似陝西留壩廳張良辟穀處為賦

四面峰巒一道流黃林紅樹正宜秋人言斯地似留壩半日聊為辟穀遊

○疊前韻答黎莚齋先生

幸然勝地引名流老氣應知橫晚秋能以雄文顯此秘山靈亦喜得君遊

○再疊前韻呈主人兼酬黎大人

誰與吾儕爭勝流白雲紅樹好題秋新詩他日徧人口自有鹽原無此遊

三疊前韵弔友人三島通庸君以去年此月二十三日終世曾闢險通路于此賦之索蕤齋先生大和

故人轉眼水東流風景依稀似去秋開闢巉巖通一路重來何耐憶同遊

四疊前韵賦吉井清見瀑并呈蕤齋先生需和恍怪銀河天半流驚看飛瀑瀉清秋我無白也神仙筆猶想廬山昔日遊

五疊前韵呈主人魚乞蕤齋先生雅教一碧蓬萊巖下流浮龜與石共千秋君身自是有仙

骨不食人間煙火遊

六疊前韵呈主人魚約黎大人

名僧殘夢冠緇流古跡今存七百年黃葉林間妙雲

寺擬搜遺墨約同遊

此寺平重盛卿乳母妙雲尼開基藏殘夢和尚遺筆

七疊前韵應蕤齋先生雅教

雙瀑相雄兄弟流

一稱兄弟瀑

藹然和氣動高秋好因

兩國同文德石上三生携手遊

八疊前韵呈黎大人乞正

千巖競秀水爭流健筆翰君快賦秋我卷甲兵避三舍雄才孰若此吟遊

九疊前韵呈黎呈使索和

史筆曾追班馬流相期不朽在千秋請君願作鹽原
記題石長存今日遊

十疊前韵呈純齋先生

白石磷々水碧流丹楓染出滿溪秋鹽原歸去忙應
接似否山陰道上遊

清國公使黎純齋開重陽宴於紅葉館會兩國

文士即席賦之以贈

燕去鴻來不少休年光荏苒又悲秋花經晚節憐黃
菊人為傷心易白頭此日洽歡宜酌酒與君相會共

凭樓何須更發登高嘆笑把茱萸且唱酬

十月送清國游歷官兵部郎中傅雲龍君歸國

四首和留別韵

採風觀俗是當年游歷拜官明主前萬里波能來遠
使三山風不引廻船文多奇氣人推席名噪遐方客
滿筵草得圖經携在袖又應歸奏九重天

二

花旗遊遍已三年格致知君果異前到處無非人物
海環瀛都是火輪船械耕機織奇驚日殊卉珍禽燦
肆筵富殖須期能利國由來大智善承天

三

問經問字再經年別後思應勝別前嘶戀長風燕北
馬載携多寶米南船何圖切々行觴地忽作勞々折
柳筵抵犢至情君幸恕兒今遠在武昌天

兒彥今寓
武昌江漢

書院

四

交歡握手又何年慘愴悲風在眼前違我身隨衡嶽
雁送君心趁楚江船一杯酒盡人吞淚三疊歌殘月
照筵楓葉蘆花秋夜冷孤帆遠影水連天

庚寅三月三日黎公使菴齋君為春季同文會

刪

公使有詩乃次原韵

流水桃花春似海蘭亭故事好相探樓開佳宴管絃
奏坐列群賢觴詠諳曾賦登高唵九九今沿修禊醉
三三使君意氣凌千古不獨英名冠斗南

二

瀛洲縹緲君重到禹穴蒼茫我未探交可稱神千里
合談因借筆寸心諳天橋風月地無二松島雲烟山
有三他日當收東海美可能勝景似江南

三

忠勤亮特誰君比重賦皇華此討探樽俎笑談交久

熟輶軒采訪俗先諳善鄰應喜聯邦兩奉使只希持
節三聞說瓜期在今歲未應返旆向黔南

○○○四

欽君俊傑知時務經歷五洲隨意探弱小何曾公法
問富强初此戰圖諸車船燈器火功首步騎礮軍兵
用三興亞要須通海陸擴張威武鎮東南

○○○賦四律畢餘興未盡偶用原韵題草堂即事遣

懷距雅宴第五日

棲遲足樂衡門下詩句漫從枕上探冷暖人情隨境
見酸鹹世味歷年諳當階泉水流清淺隔竹桃花綻

兩三一夢華胥春晝永學言鸚鵡語窗南

四月十日奧蘭田君招飲欸乃邨莊黎莼齋君

有詩余亦賦一律

美人高士一堂會奈此橋場韶景何兩國歡從杯裏
發三春花雨中過風流好赴蘭田約欸乃宜聽墨
水歌柳綠櫻紅今若是白鷗故事付烟波白鷗故事指在五中
將歌意

○四月十九日榎本梁川藤花書屋會黎莼齋有

詩即席和其韵呈黎君

入門下馬氣如虹李賀成句黔州男子真英雄高才翩翩

詩書腹咳唾滿地皆珠玉經國文章久屬君空前絕
後誰比倫妓席從來不須避笙歌如海慰人意眼中
之妓君不辭心中之妓君不迷

○五月一日祝黃石岡本先生八十壽三首和其

自慶七律韵

擬慕詩宗追後塵本知元白是前身洛陽紙貴三千
首江左名高八十春天為斯文開氣運世遺一老養
精神君家祕訣吾能解吐露性情唯寫真

二

桃李春風客幾千稱觴堂上拜高年赤松夙授長生

錄黃石應為不老仙

聖主賜袍真異數外臣求像亦奇緣如翁福履曾希
有好刻東瀛祝壽篇

三

滄海橫流與道傾誰能砥柱計支撐普宣詩教裨
皇化興起儒風彈我誠一字推敲金石震六編雕刻
鬼神驚乘時願獻昇平頌八秩高齡答
聖明

菴齋一日見示夢中所得詩有晴日春泥燕百
重之句即和以答

刪
築屋三間墻一重綠陰梧竹引清風翰君夢入華胥
國覓得燕泥詩最工

○翰林院編修江建霞太史自清國來黎莼齋君
張盛宴於紅葉館會兩國文士黎君駐此六年
每重陽必修登高會此次任滿瓜代將在近和
留別韵兼贈江太史時重陽前十二日

德星照夜耀搏桑坐有嘉賓好舉觴一代文章來上
國滿城風雨又重陽吹簫鼓瑟誠宜樂既醉載歌何
不臧此會明年誰是主芝山楓赤菊花黃

九月九日黎星使修登高會於紅葉館兼為留

○別之飲見示詩二律即和其韻以呈

兩回持節駐搏桑幾度登高把酒觴招我交懽如一
日恨君留別在重陽敦槃尋約誼偏厚縞紵寓衷謀
最臧惆悵芝山須盡醉菊花又似去年黃

○二

兩國同盟久繫思與君眷戀十年移連衡持局猶陳
力忠信全交曾共期獻策幸蒙

明主顧論心難值故人知時平况訂登高會白酒黃
花合有詩

○十一月八日邀清國公使黎莼齋先生於養浩

堂開餞宴來會者伯爵副島一一學人伯爵勝
海舟子爵谷干城正三位元田東野四老也酒
間依菴齋先生見示詩韻和之以呈

使君聲價重瀛垓此夕當筵勸酒杯四老德同黃菊
馥兩人指公使與予心向玉壺開縱然雲樹隔東北莫使
雁魚踈往來一別親交情更密他年相憶不相猜

清公使黎菴齋先生邀在廷諸老寺島勝副島
吉井元田谷佐野花房及我於使署為留別飲
席間再疊垓字韵和之以呈公使實十一月十
六日

霞關形象占崇垓賓主相歡對酒杯渤海潮連芝海
穩富山雪映泰山開以文會友雙邦合惟德成鄰九
老來歸奏應知動明主望君修好絕疑猜

自述

五十三年無所為鬢々添得鬢邊絲交天下士憂天
下自笑雄心猶未衰

十二月五日與元田副島諸老招黎菴齋於偕
樂園為別飲賦之以贈

坐月醉花偕樂園今宵底事黯銷魂壁間留得君題
字應識紗籠護墨痕

席間賦七律一篇以奉送

此去燕京路幾千要津何日進河船趨朝候待開冰
後向國心爭歸雁先忠信波濤莫言險勳名柱石已
知堅期君榮擢應非遠行見雲鵬搏九天

送錢參贊琴齋君歸國

與君三載吐心肝霞館楓臺幾度歡憂國詩從琴上

發

君贈余詩頗見
抱負又工吟詩

動人花向畫中看

君亦工於畫壯
丹令人叫絕

離情似海傾杯易愁緒操刀斷水難到日長江須自
愛蒼葭白露不堪寒

十二月十四日紅葉館留別贈陳哲甫君

刪

詩酒樓頭幾度遊擬題紅葉寄幽愁秋波脈々情何
限所謂伊人在此洲

題紅葉館話別圖送陳參贊哲甫君歸國

曾見繡燈問字圖綠蕉窗外聞唧唔此圖話別紅葉
館滿堂賓客紛瓊琚哲甫先生生瑰偉頭角嶄然與
人殊豈知賢母宵課讀寒燈刺繡授詩書一穗火化
金蓮燭萬丈光射東海隅六載扶桑持龍節參贊敦
槃盡歡愉餘事翰墨孰其匹提筆臨軒風雲趨硬語
盤空氣蓋世詩成直欲凌韓蘓君才洵堪雄一代君
名早已盛大都任滿芝山開離宴宛如群仙會蓬壺

誰哉惜別作此幅小蘋女史閨中姝他年君歸綠蕉
館還憶芝山紅葉無

○十二月十六日招陳括甫錢琴齋兩參贊於養


浩堂餞飲席上和副島伯爵韻

括甫無雙士琴齋大雅群談論豪興發參贊盛名聞
帆影懸斜日雁聲過暮雲風波滄海上安穩只祈君

○短刀歌送黎莼齋星使歸清國

贈君刀不三尺長贈君刀纔九寸強光芒足以照肝
膽持之贈君歌激昂與君此別非尋常唯須一言中
心藏即今東洋勢方急隻手誰挽狂瀾狂鄂羅何物

尤猖獗駸々蠶食倂貪狼危哉朝鮮難獨立北門鎖
鑰嚴慎防譬今中東之於鄂古如吳蜀接魏疆曾論
鄧芝和二國戮力謀魏豈不良琉球眇々小島耳呼
藩稱縣固無妨由来甌脫不爭可縱彼屬我又何傷
君久扶桑持使節冠冕臨事威堂々此間得失如指
掌聯大字小宜商量吁我菲才乏遠識愧無辭賦壯
行裝好此短刀經百鍊呵護君身長堅剛



卅三首

選五十一首

丁未四月廿日朱炎

